

「國家社會科學基金重大項目」

何建明 主編

中國地方志
佛道教文獻匯纂

人物卷

(24)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(24)

國家圖書館出版社

中國地方志佛道教文獻匯纂·人物卷
江蘇省 鎮江市

鎮江志

宋·盧憲纂

宋嘉定六年（一二一三）修

清道光二十二年（一八四二）丹徒包氏刻本

嘉定鎮江志卷二十

總目 缺

叙 缺

釋

梁蕭惠開南蘭陵人父思話爲中書令惠開性孝家素事佛凡爲父造四寺曲阿舊鄉名禪鄉寺京口墓亭名禪亭寺又有禪岡禪封

唐延陵馬氏有子爲僧名元素字道清嘗入南牛頭山事威大師摩頂謂曰東南正法待汝興行開元中韋銑守潤請住鶴林後李愷爲揚牧延以去未幾坐滅建塔

嘉定鎮江志 卷二十一

于黃鶴山之西原李華銘

甘露寺某僧者道行孤高李德裕廉問日嘗與之遊及罷任以方竹杖一枝留贈焉方竹出大宛國堅實而正方節眼鬚牙四面對出實衛公之所寶也及再鎮浙右其僧尚在公問日前所奉竹杖無恙否僧喜對曰已規圓而漆之矣公嗟惋彌日

宋僧應夫滁之蔣氏子既出家得法于天衣義懷號廣照大師主甘露十四年聚徒常五百人曾肇嘗銘其塔佛印師了元住持潤州金山寺東坡久與之遊赴杭過潤留數日一日師與弟子入室公便服入方丈見之師

云內翰何來此間無坐處公戲云暫借和尚四大用作
禪床師曰山僧四大本空五蘊非有內翰欲于何處坐
公擬議未卽答師急呼侍者收公所許玉帶永鎮山門
公笑而與之師遂取衲裙相報公有次韻詩

見大
全集

僧祖可字正平後湖蘇養直之弟元名序後爲僧易今
名豫章徐師川俯爲東溪集序後湖集祖可與蘇庠同
生庠有送行詩云語別旣不易況與子同生如何携手
好忽作千里行洪覺範嘗有評云余久不見養直忽得
其詩想見岸幘醉坐如行野渡春色盎盎于淳穠中自
有一種清絕氣味正平如漱壑夜泉響掃窗春霧空不

類菜腹阿師語兄弟眞連璧也

江西僧書記道舉字季若紹興辛酉客居丹陽何氏庵
時聞急報仲春初金旣至王師大捷季春復至因作破
敵行

見甘露舉
書記文集

道

晉道士王纂居馬跡山永嘉末中原大亂飢饉疫癘纂
于靜室飛章告天至第三夜有光如晝一人前告纂曰
太上道君至矣道君曰玉皇天尊慮鬼神之害人常命
五帝三官御之然季世民僞詐自投死地由是六天魔
鬼與歷代敗軍如王翦白起之徒生爲兵將死爲鬼帥

以神咒服之當戢今以神化神呪三經授子以拯萬民
陰功克功真階可冀言訖而還

唐魏法師名隆字道崇本任城人貞觀九年至京太宗
悅之後居潤之仁靜觀潤守李厚德虔承慶裔師望皆
尊禮之其卒也葬馬跡山崇文館學士胡楚賓銘

王遠知琅邪人父曇選陳揚州刺史母嘗晝寢夢靈鳳
而娠沙門寶誌謂曇選曰生子當爲神仙宗伯遠知少
聰敏博綜羣書初入茅山師事陶宏景宗道先生臧兢
陳主聞其名召入重陽殿隋煬帝親執弟子禮高祖之
龍潛也遠知嘗密傳符命武德中太宗平王世充與房

元齡微服謁之遠知迎謂曰此中有聖人得非秦王乎
太宗因以實告遠知曰方作太平天子願自惜也固請
歸山貞觀九年敕潤州茅山置大受觀太平廣記作太平觀降璽
書曰先生得妙訣于金壇受幽文于玉笈昔在藩朝早
獲問道近覽來奏請歸舊山已有別敕不違高志

桓尊師字探元曲阿人學仙術于本縣雲陽觀時人稱
其道行開元十四年九月十五日尸解碑在仙臺觀

李含光天寶七載練師李含光敕廣陵李練師上清品
人也抗志雲霞和光代俗爲予修福靈迹將赴金壇故
賦詩寵行紫府煙霞士元宗道德師心將萬籟合志與

九仙期絕俗遺塵境同人喜濟時訪經遊玉洞敷教入
瑤墀茅嶺追餘迹金壇赴遠思陰宮看舊記陽觀飭新
詞緬想留雙壁長懷採五芝靈真若可遇鸞鶴佇來茲
今石刻尙存

宋妙明真人吳元淨丹陽人明真觀乃其祖宅徽宗朝
賜號妙明後歸浙右多乘小舫游江湖間紹興壬申敷
父閣待制陳桶瘞于汝山南御史黃達如作詩紀之

中國地方志佛道教文獻匯纂·人物卷
江蘇省 鎮江市

鎮江志

元·脫因修 俞希魯纂

元至順三年（一三三二）修

民國十二年（一九二三）如皋冒氏刻本

僧

戶三百一十
錄事司六十九內有妻八 丹徒縣一百二十五內有妻一 丹陽縣七十四內有

妻一
金壇縣六十二內有妻一

口二千四百三
錄事司五百二十一 丹徒縣一千一百七十八 丹陽縣三百九十六 金

壇縣三百八

僧行二千二十七
錄事司三百一十 丹徒縣一千一百二十一 丹陽縣三百七十

金壇縣二百二十四

尼行三百一十六
錄事司一百九十 丹徒縣四十六 丹陽縣一十九 金壇縣六

六十

俗人六十
錄事司二十一 丹徒縣十 丹陽縣六 金壇縣二十三

道

戶一百四十一

錄事司三十五
丹陽縣十五

丹徒縣二十一
金壇縣七十一

口五百七十

錄事司一百七十五
丹陽縣八十九

丹徒縣七十四
金壇縣二百三十二

道四百六十五

錄事司一百一十二
丹陽縣八十一

丹徒縣六十
金壇縣二百

六

女冠六十四

錄事司五十七
丹陽縣三

丹徒縣一
金壇縣三

俗人四十一

錄事司六
丹陽縣五

丹徒縣七
金壇縣二十二

至順鎮江志卷三終

丹徒陳揚傑子英校字

至順鎮江志卷十九

方外

釋

土著

唐法融

延陵韋氏子幼通經史一日歎曰吾道非究竟
法遂隱茅山十九出家後入牛頭山幽棲寺北

巖之石室有百鳥銜花之異貞觀十四祖入山問此間
有道人否或云此去十里有一僧號懶融見人不起亦
不合掌祖遂見之融端坐不顧祖曰在此作麼融曰觀
心祖曰觀是何人心是何物融無對便起作禮遂悟真
要顯慶中請在雞籠山
年化歸塔於雞籠山

智嚴曲阿華氏子智勇過人長七尺六寸為隋中郎將
屢立戰功武德中出家貞觀中謝牛頭山融發明
大義得其真訣永滅顏色不變
屈伸如生異香滿室聞者奇之

慧方延陵濮氏子出家進具洞明經論入牛頭山謁智
巖咨詢秘要居叢林十年學者歸之一旦復歸隱

山將示滅有橘華巨蟒之異門人至已化矣
時山林變白溪澗絕流道俗悲慕聲動山谷

元素延陵馬氏子如意中受業後參牛頭融旁出智嚴
遂悟真要開元中韋執守潤請住鶴林一日有扣

門者師曰何人曰僧曰不但是僧佛來也不善曰為甚
座不著曰無家汝處後李澄為揚州牧延以去未幾

祇建塔於黃鶴山東原謚曰大
津塔曰大和寶航李華志銘

惟良

丹徒人劉禹錫有送丹徒惟良上人詩序云惟唐繼大德如黃帝有外臣一行亦聖之徒與刊歷考

元書

成化去今丹徒之人惟良生而能知非自外求以

乾坤

之策當十期之數凝神運指上感靈次絕機混知

獨以

神會數起於復之初九音生於黃鍾之宮積微本

隱與

元化合惟良得一行之道故亦慕其爲外臣焉李

端廬

綸俱有送惟良

南歸

詩見潤川集類

元嵩

丹陽人劉禹錫有送丹陽僧元嵩南遊詩序云開士元嵩姓陶氏本丹陽居家世有人術不藉其資

於毘

尼禪那極細牢之義妙音奮迅願力昭答或問師

隱形

之自對曰少失恃怙惟棘心以求上乘積四十年

始悲

浚泉之有湧今痛防墓之未遷雖萬姓歸禱盡爲

穠種

如河入海無復水名然具一切智者豈遺百行求

無量

義者甯容斷恩今聞南諸侯雅多大士思扣以苦

調而

希其末光無容臣前有足悲者因爲詩以贈之庶

乎踐

霜露者

聆之

有惻

惠閣

梁丹陽人權德輿有丹陽惠上人房宴別又有詩

謂假寐夢歸江東舊居寄惠閣梁及歸丹陽初

遂閒居呈惠公數詩又嘗贈以詩曰支郎有佳文新句凌碧雲

亞齊

潤州人翁承贊有劍浦送僧亞齊歸潤州詩有云一軸新詩劍潭北十年舊識華山西吟魂惜向江

村老空性元知世路迷

羅暎

丹陽人受業普甯寺生無雙目而能鑒物於大和中鑄銅鐘成通中建佛塔雖屢經兵火至今獨存

宋妙惠

鎮江人善醫蘇庠稱其治病取差蓋飲上池水者

屢每得師調護即安余方將結草庵於風煙之表當與師爲蓮社之遊也

僑寓

唐詢公

綦毋潛有宿招隱寺詢公房詩

說上人

李涉有題招隱寺說上人院詩

還上人

左偃有宿招隱寺還上人院詩